



ملاکوکن فراوبهن

11 اوخوس 2023 | 24 محرم 1445هـ

الْحَمْدُ لِلَّهِ نَحْمَدُهُ وَنَسْتَعِينُهُ وَنَسْتَغْفِرُهُ. وَنَعُوذُ بِاللَّهِ
مِنْ شُرُورِ أَنْفُسِنَا وَمِنْ سَيِّئَاتِ أَعْمَالِنَا. مَنْ يَهْدِهِ اللَّهُ
فَلَا مُضِلَّ لَهُ، وَمَنْ يُضِلَّ فَلَا هَادِيَ لَهُ.

وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ
أَنَّ سَيِّدَنَا مُحَمَّدًا عَبْدَهُ وَرَسُولَهُ. اللَّهُمَّ صَلِّ وَسَلِّمْ
عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ وَمَنْ تَبِعَهُمْ
بِإِحْسَانٍ إِلَى يَوْمِ الدِّينِ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ وَأَوْصِيكُمْ وَإِيَّايَ
بِتَقْوَى اللَّهِ، فَقَدْ فَازَ الْمُتَّقُونَ.

ماريله کیت برساما-سام منیغکتکن کتقواءن کقد
الله ﷺ دغن ملقساناکن سکالا قرینته دان منیغکلکن
سکالا لارغثن. موده-مودهن کیت دبرکتی الله ﷺ

ددنيا دان اخره.

سیدغ جمعة یغ درحمتی الله ﷻ

کیت سهاروسن سنیاس براوسها اونتوق ملاکوکن
قراوبهن دیری دری سهاری کسهاری کاره
ممقرتیغکتکن عمل عبادة دان عملن کهیدوثن یغ
لیبه بائیق. الله ﷻ منکسکن حال این دغن فرمانش
دالم سورة الرعد، آیات 11؛

أَعُوذُ بِاللَّهِ مِنَ الشَّيْطَانِ الرَّجِيمِ

إِنَّ اللَّهَ لَا يُغَيِّرُ مَا بِقَوْمٍ حَتَّىٰ يُغَيِّرُوا مَا بِأَنْفُسِهِمْ
وَإِذَا أَرَادَ اللَّهُ بِقَوْمٍ سُوءًا فَلَا مَرَدَّ لَهُ وَمَا لَهُمْ مِّنْ
دُونِهِ مِن وَّالٍ



یغ برمقصود: سسوغکوهن الله تیدق مغوبه
اف یغ اد قد سسواتو قوم سهیغک مریک مغوبه
اف یغ اد قد دیری مریک سندیری. دان اقابلا
دکهندقی اولیه الله کبوروقن کقد سسواتو قوم،
مک تیدق اد یغ دافت منولق دان تیدق اد قلیندوغ

باکي مریک سلاءین درقداش.

ملاکوکن فراوبهن ديري کأره کچمرلغن ممرلوکن ایندیویدو ایت ممقوپایي جیوا بسر لاکي کنتل. فراوبهن اتاو ترنسفورماسي (transformasi) ديري ممرلوکن کقواتن دان سوکوغن. سباءيق-باءيق اوسها ایاله برمجاهدة ملاون نفسو دان براوسها ممقرباءيقي ديري. کیت مفاکوءي یغ سکالا اف یغ برلاکو ددنیا این مروفاکن کنتتوان درقدا الله. قد ماس یغ سام جوک، الله مپوروه کیت براوسها اونتوق ملاکوکن فراوبهن. اداله لبيه بائيق کیت چوبا براوبه والاقون کاکل، درقدا تیدق منچوبا اف ۲ اتاو ممبارکن ديري تنفا سبارغ اختیار سفنچغ هیدوف کیت.

اقابیلا کیت ایغین ملاکوکن فراوبهن، ای مستیله برمولا دغن فراوبهن دري دالم ديري. اقابیلا سوده ترجادي فراوبهن دري دالم ديري کیت، اکن برلاکوله جوک فراوبهن دلوار دان سکلیلیغ کیت.

سیدغ جمعة یغ درحمتی الله ﷺ

سباکای چونتوه، سساورغ یغ بهارو قولغ دری تانه سوچی مکه المکرمة سواجرن اکن برلاکو فراوبهن کآره مندکتکن دیری کفد الله ﷺ. سقاتوتن مریک اکن ترنمقق فراوبهن قد سیکف، واجه، اخلاق دان چارا هیدوف مریک. عمل عبادة برتمبه بائق دان تیدق چوای ملاکوکنش برندیغ سبلومن. صیفت جاهت دان کجی سفرتی طمع، حسد، دشکی، ریاء، تکبور، بخیل، اغکوه، ممباذیر، بوروس دان سباکایش تروس دتیغکلکن. منجادی سآورغ یغ براخلاق بائق سفرتی برتواضع، مرند دیری، تولوغ منولوغ، درماون، برچاکف بنر، امانه، جوجور، برصدقه دان اخلاق ترفوجی. سنتیاس استقامة مغرجاکن صلاة فرض سچارا برجماعه دمسجد اتاو سوراو. سنتیاس معحاضیری مجلس ۲ علمو دان کلیه اکام اونتوق منمبهکن کفهمن اکام دالم دیری. فرمان الله ﷺ دالم سورة الزمر، آیات 9؛

قُلْ هَلْ يَسْتَوِي الَّذِينَ يَعْمُونَ وَالَّذِينَ لَا يَعْلَمُونَ إِنَّمَا

يَتَذَكَّرُ أَوْلُوهُ الْأَلْبَابِ ﴿٩﴾

يغ بر مقصود؛ کاتاکنله: اداکه سام اورغ یغ
مغتاھوئی دغن اورغ یغ تیدق مغتاھوئی؟
سسوغکوهش اورغ یغ بر عقلله یغ داقت منریمما
فلاجرن.

سیدغ جمعة یغ درحمتی الله ﷻ

ماریله کیت برساما-سام ملاکوکن قراوبهن دیری
یاءیت بر استقامة ملاکوکن صلاة فرض سچارا
بر جماعه قد ستیاف وقتو. عملن صلاة فرض سچارا
بر جماعه اداله سنة نبی محمد ﷺ یغ قالیغ اوتام دالم
کهیدو قن هارین کیت. سلاما این کیت سالو ممندغ
ریمیه صلاة فرض سچارا بر جماعه دغن السن ایان
اداله فرض کفایة یاءیت ممداءئی سکومقولن اورغ
لااین سھاج ملاکوکنش. فھمن این اداله ساله کران
نبی محمد ﷺ تیدق قرنه ملاکوکن صلاة فرض
ملاءینکن سچارا بر جماعه. تندا کچیتئان کیت کقد
رسول الله ﷺ ایاله مغیکوت سنھش دغن ملاکوکن

صلاة برجماعه. صلاة فرض برجماعه اين جوک
 اکن ممرتبتکن شعار اسلام دان معوکوهکن فرقادوان
 اومت اسلام. کنجرنث چوکوف بسر دسیسی الله
 ﷺ. سبدا رسول الله ﷺ دالم حدیث یغ دروایتکن
 اولیه امام مسلم:

صَلَاةُ الْجَمَاعَةِ أَفْضَلُ مِنْ صَلَاةِ الْفَذِّ بِسَبْعِ
 وَعَشْرِينَ دَرَجَةً

یغ برمقصود: صلاة سچارا برجماعه لیه بایق
 درقد صلاة برسندیرین سباق دوا قولوه توجوه
 درجت.

سیدغ جمعة یغ درحمته الله ﷺ

دالم اوسها اونتوق ملاکوکن فراوبهن دیری کیت فرلو
 مندالمی علمو فغتهاهوان دنیا دان اخره. علمو ۲ دنیا یغ
 کیت فلاجری اداله اونتوق ممبتو کیت معوروس دان
 منتدیر کهدوثن هارین کیت دنیا. ماناکالا علمو ۲
 اخره اداله ممبتو کیت منجادی همبا الله یغ طاعة
 دان قاتوه کقد سکالا قرینته الله ﷺ دان منجاءوهی

سکالا لارغش. اداله لبيه مندو کاجيتاکن کران کبايقن
 یغ حاضر صلاة جماعه تروس منیغکلکن مسجد
 تنفا ممنفعتکن مجلس علمو یغ تله دوسون اولیه
 فیهق مسجد. توغکوله سبتتر سلخس صلاة برجماعه
 اونتوق کیت برساما-سام برذیکیر دان منمبه علمو
 فغتهاوان.

أَعُوذُ بِاللَّهِ مِنَ الشَّيْطَانِ الرَّجِيمِ

يَأَيُّهَا الَّذِينَ ءَامَنُوا إِذَا قِيلَ لَكُمْ تَفَسَّحُوا فِي
 الْمَجَالِسِ فَأَفْسَحُوا يَفْسَحِ اللَّهُ لَكُمْ وَإِذَا قِيلَ انشُرُوا
 فَأَنْشُرُوا يَرْفَعِ اللَّهُ الَّذِينَ ءَامَنُوا مِنْكُمْ وَالَّذِينَ أُوتُوا
 الْعِلْمَ دَرَجَاتٍ وَاللَّهُ بِمَا تَعْمَلُونَ خَبِيرٌ ﴿١١﴾

یغ برمقصود: واهای اورغ یغ برایمان! اقایلا
 دمیتا کفد کامو، ”بریله کلاغش دالم مجلس“
 (اونتوق ممبوک رواغ تمثت دودوق اورغ
 لایین)، مک لاغشکنله، نسچای الله ممبری
 کلاغش اونتوق کامو. اقایلا دمیتا کفد
 کامو، ”بردیریله“، مک باغونله، نسچای الله

مینیغکیکن درجت اورغ یغ برایمان دالم کالغن
کامو دان اورغ یغ دبری علمو فغتهاوان (دالم
کالغن کامو) بیراف درجت. (ایغتله) الله مها
مندالم فغتهاوانش تنتغ اف یغ کامو لاکوکن.

بَارَكَ اللهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ
بِمَا فِيهِ مِنَ الْآيَاتِ وَالذِّكْرِ الْحَكِيمِ، وَتَقَبَّلْ مِنِّي وَمِنْكُمْ
تِلَاوَتَهُ، إِنَّهُ هُوَ السَّمِيعُ الْعَلِيمُ.

أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ، وَلِسَائِرِ
الْمُسْلِمِينَ وَالْمُسْلِمَاتِ، وَالْمُؤْمِنِينَ وَالْمُؤْمِنَاتِ،
فَأَسْتَغْفِرُوهُ إِنَّهُ هُوَ الْغَفُورُ الرَّحِيمُ.